

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 41. sjednici Predstavničkog doma, održanoj 31. januara 2013. godine, i na 28. sjednici Doma naroda, održanoj 16. aprila 2013. godine, usvojila je

ZAKON

O IZMJENAMA I DOPUNAMA ZAKONA O FINANSIRANJU INSTITUCIJA BOSNE I HERCEGOVINE

Član 1.

U Zakonu o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12 i 87/12), u članu 11. stav (2) mijenja se i glasi:

"(2) Privremeno finansiranje, s ciljem obavljanja aktivnosti zakonski utvrđenih budžetskih korisnika, vrši se u iznosu do jedne četvrtine budžeta za finansiranje institucija Bosne i Hercegovine, u skladu s posljednjim zakonom o budžetu institucija Bosne i Hercegovine i međunarodnih obaveza Bosne i Hercegovine, usvojenim u Parlamentarnoj skupštini Bosne i Hercegovine, o čemu Vijeće ministara BiH donosi posebnu odluku."

U stavu (3) druga rečenica briše se.

Stav (5) mijenja se i glasi:

"(5) Za vrijeme trajanja privremenog finansiranja Vijeće ministara BiH može donijeti posebnu odluku o rashodima koji nisu bili predviđeni budžetom iz prethodne godine, s tim da rashodi institucija Bosne i Hercegovine koji uključuju rashode iz stava (2) ovog člana ne mogu biti veći od zbira prihoda koji za vrijeme trajanja privremenog finansiranja budu prikupljeni od indirektnih poreza, vlastitih prihoda i prenesenih sredstava. Rashodi po ovom osnovu odobravaju se u skladu s odredbama člana 17. ovog zakona kojima je propisano korištenje tekuće rezerve."

Stav (6) mijenja se i glasi:

" (6) Parlamentarna skupština Bosne i Hercegovine usvaja zakon o budžetu institucija Bosne i Hercegovine i međunarodnih obaveza Bosne i Hercegovine do 31. marta svake godine. Ako se budžet za tekuću fiskalnu godinu ne usvoji do 31. marta tekuće godine, realizirat će se samo tekući rashodi neophodni za funkcioniranje institucija Bosne i Hercegovine, u okviru iznosa tekućih rashoda reguliranih stavom (2) ovog člana, o čemu Vijeće ministara BiH donosi posebnu odluku."

Član 2.

U članu 13. stav (1) riječi: "Zakonom o sistemu indireknog oporezivanja u Bosni i Hercegovini ("Službeni glasnik BiH", br. 44/03, 52/04 i 32/07), Zakonom o uplatama na Jedinstveni račun i raspodjeli prihoda ("Službeni glasnik BiH", broj 55/04)" zamjenjuju se riječima: "Zakonom o sistemu indireknog oporezivanja ("Službeni glasnik BiH", br. 44/03, 52/04, 32/07, 34/07, 4/08 i 49/09), Zakonom o uplatama na Jedinstveni račun i raspodjeli prihoda ("Službeni glasnik BiH", br. 55/04, 34/07 i 49/09) i ostalim podzakonskim aktima i propisima".

U članu 13. u stavu (3) riječi: " ("Službeni glasnik BiH", broj 52/05)" zamjenjuju se riječima: ("Službeni glasnik BiH", br. 52/05 i 109/09)", te dodaju riječi: "i odredbama člana 12. st. (2), (3) i (4) Zakona o uplatama na Jedinstveni račun i raspodjeli prihoda".

Član 3.

U članu 14. dodaju se novi st. (7), (8), (9) i (10) koji glase:

"(7) Za realizaciju rashoda po osnovu finansiranja vanjskog duga odgovorno je Ministarstvo finansija i trezora BiH. U skladu s članom 43. Zakona o zaduživanju, duga i garancijama Bosne i Hercegovine, za servisiranje duga po osnovu vanjskog duga vršit će se stalno izdvajanje namjenskih sredstava. Izdvajanje namjenskih sredstava za servisiranje vanjskog duga vršit će se u skladu s članom 13. st. (1) i (3) ovog zakona. Ministarstvo finansija i trezora BiH odgovorno je da na namjenskim računima kod Centralne banke BiH osigura dostatna sredstva za servisiranje vanjskog duga Bosne i Hercegovine.

(8) Rashodi po osnovu servisiranja vanjskog duga realiziraju se preko Centralne banke BiH iz sredstava osiguranih u skladu sa stavom (7) ovog člana i članom 13. stav (3) ovog zakona. Ministarstvo finansija i trezora BiH dužno je dostaviti Centralnoj banci BiH naloge za plaćanje obaveza, u skladu sa ugovorom između Ministarstva finansija i trezora BiH i Centralne banke BiH. Ovaj ugovor bit će potpisan u roku od 30 dana od dana stupanja na snagu ovog zakona.

(9) Bez obzira da li je budžet usvojen ili nije, servisiranje vanjskog duga vršit će se u skladu sa st. (7) i (8) ovog člana.

(10) Na ministra finansija i trezora primjenjuju se kaznene odredbe iz člana 34. stav (2) ovog zakona ako ne izvrši servisiranje vanjskog duga shodno odredbama st. (7) i (8) ovog člana. "

Član 4.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH".

Broj: 01,02-02-1-51/12
16. aprila 2013. godine
Sarajevo

Predsjedavajući
Predstavničkog doma
Parlamentarne skupštine BiH

dr. Božo Ljubić

Predsjedavajući
Doma naroda
Parlamentarne skupštine BiH

Sulejman Tihić